

**Meeqqat atuarfiat pillugu Inatsisartut peqqussutaata allanngortinneqarnera pillugu Inatsisartut peqqussutaat nr. 2, 2. december 2009-meersoq (Perorsaannermut aamma tarnip pissusaanut tunngasunik siunnersuinerup kommuninut suliassanngortinneqarnera) Atuussimasoq (Historisk)**

**§ 1**

Atuarfik pillugu Inatsisartut peqqussutaat nr. 8, 21. maj 2002-meersumi kingullermik Inatsisartut peqqussutaat nr. 12, 20. november 2006-imeersukkut allanngortinneqartumi ukuningga allanngortitsisoqassaaq:

1. § 31 imatut oqaasertalersorneqassaaq:

” § 31. Naalakkersuisut pisussaapput isumagissallugit:

- 1) § 20, imm. 4 naapertorlugu atuarfiit angerlarsimaffiusut immikkut aaqqissuussat.
- 2) Atuartitsissutit pillugit siunnersorteqarneq.
- 3) Atuartitsinermut atortussanik inerisaaneq.
- 4) Atuarfimmi ilinniartitsisunik pisortanillu pikkorissartitsisarneq, ilinniartitseqqittarneq ingerlaqqiffiusumillu ilinniartitseqqittarneq.
- 5) Perorsaannermut tunngatillugu ilisimatusarneq inerisaanermillu suliaqarneq kiisalu atuarfiup ingerlanneqarneranik suliaanillu nalilersuineq.

Imm. 2. Imm. 1-imi nr. 2-miit 5-imut suliassat taaneqartut sulariumallugit perorsaannermut, ilisimatusarnermullu, naliliisarnermut ilinniartitaanermullu institutimik pilersitsisoqassaaq.

Imm. 3. Naalakkersuisut kommunini ataasiakkaani imaluunniit kommunini arlalinni kommunalbestyrelsit isumaqatigiissuteqarfigalugit imm. 1-imi nr. 1-imi suliassanik taaneqartunik taakku isumaginnittussanngortissinnaavaat.

2. § 33, imm. 1-imi nr. 4-tut ikkunneqassaaq:

”4) Perorsaannermut aamma tarnip pissusaanut tunngasunik siunnersuineq.”

3. Qallunaatuani Peqqussummi tamarmi ”landsstyret” ”Naalakkersuisut”-nit taarserneqassaaq.

4. § 47, imm. 1-imi ”Namminersornerullutik Oqartussanit” ”Namminersorlutik Oqartussanit” taarserneqassaaq, § 48, imm. 4-mi ”Namminersornerullutik Oqartussaniiginnarallassaaq” ”Namminersorlutik Oqartussaniiginnarallassaaq”-mik taarserneqassaaq, § 49, imm. 3-milu ”Namminersornerullutik Oqartussat” ”Namminersorlutik Oqartussat”-nik taarserneqassalluni.

**§ 2**

Inatsisartut peqqussutaat manna Naalackersuisut nalunaarutiliornerisigut atuutilissaaq.

Namminersorlutik Oqartussat, ulloq 2. december 2009

Kuupik Kleist

/

Mimi Karlsen